

Doxcomz Fangzcwngzgangj Doengzcaez Ngonz Bien'gyaiq

——Geiq Aen Hozdung “Couqmaenh Gij Eiqsik Caezcaemh Cunghvaz Minzczu Meizdij Doxcomz Fangzcwngzgangj”

□ Bonjbauq gicej Cau Dwzfeih Moz Beibei Maj Veiyungz Vangz Yigiz



▲Bak vunz caez yienj danz gimzyienzdog.

7 nyied 9 daengz 11 hauh, Aen Hozdung “Couqmaenh Gij Eiqsik Caezcaemh Cunghvaz Minzczu Meizdij Doxcomz Fangzcwngzgangj” Nem Doxlwnh Cwngcomz Anqlaeh Maenhndei Bauyez Dieg Siujsiq Minzczu Cungguck 2023 Nienzdoh youq Gvangjsih Fangzcwngzgangj banh, miz 32 aen meizdij ca mbouj geijlai 100 vunz dieg siujsiq minzczu hangzyez bause, yungzmeizdij cunghsinh daengj daeuj camgya. Hozdung dwg Cungguck Bauyez Hezvei Siujsiq Minzczu Digih Bauyez Faenhohi cawjbanh, Gvangjsih Minzczu Bause ciepbanh, Fangzcwngzgangj Si Minzczunghveij, Gvangjsih Yozmeij Sanghvu Mizhanh Gunghsw h bangbanh. Geij ngoenz haenx, gyoengq gicej bae daengz Fangzcwngz Gih, Gangjgouj Gih, Dungh-

hingh Si daengj dieg caijfangj, bae yawj dieg baihnammz guekcoj Fangzcwngzgangj guhlawz couqmaenh gij eiqsik caezcaemh Cunghvaz Minzczu, yungh bit caeuq ingtsiengq geiqloeg gij minzczu funghcingz, daegsaek bien'gyaiq, vwnzva goekdaej aen singz neix.

Fangzcwngzgangj daj mbouj miz daengz miz, daj iq daengz hung, daj nyieg daengz ak, daj gaxgonq “aen baksok bwhhoenx bien'gyaiq” bienqbaenz seizneix “aen sok hung cang ndaej baenz ik dun”, lizsij megloh youq neix yawj ndaej cingcing cujcuj, 10 hauh banhaet, gyoengq gicej bae daengz Gangjgouj Gih “Dieggaeuq Bwzgangj” Lizsij Vwnzva Cunghsinh, yawj Fangzcwngzgangj daj gaxgonq daengz neix baenzlawz hwngfat, dauqyawj gij ginggvaq gak minzczu caezcaemh doxgiet buekguh, caezcaemh mwnhoengh hwngfat.

Neimungzgij Huhlnunzbeiwj Si Yungzmeizdij Cunghsinh dangjveij fusuhgi Suhduhbizligwz roxnyinh, yawjngonz aen cunghsinh neix le, de naemj daengz Huhlnunzbeiwj Si Manjeouhlij “diuz sienq gyaudoeng baexmaed gozci saekhoengz”, song dieg dieggaeuq lizsij saekhoengz, dieg namz dieg baek, gyaed'gyang doxmuengh, gyoengqde daezsingj daihlaeng, baenz gij rengz cienzswnj lizsij, haengguh baenaj.

Geij bi neix daeuj, Fangzcwngzgangj Si haeujlaeg guh aen gunghcwngz hwngfat cienzswnj vwnzva ciuh-

geq maenhndei Cunghvaz, laebdaeb guh “Sam Nyied Sam” “Ginghcuz Hahcez” “Yauzczu Ahbaujceez” daengj hozdung angqhoh ngoenzciet, yungh minzczu vwnzva doxdaz gak minzczu “sam gyau”.

Ginghcuz dwg aen minzczu vunzsoq haemq noix ndaw siujsiq minzczu guek raeuz, cujyau comzyouq Dunghhingh Si Gyanghbingz Cin Vanveij, Sanhsinh, Vuhdouz sam aen haijdauj. Ginghcuz mboujdan miz vah, saw bonjfaenh, hix miz sibgvenq bonjfaenh, “Ginghcuz Hahcez”、Ginghcuz gimzyienzdog song aen hanghmoeg neix ndaej liedhaeuj guekgya gaep feihyiz daihyaujsing hanghmoeg mingzloeg.

11 hauh banhaet, caijfangjdonz byaij haeuj Ginghcuz Bozvuzgvanj, Sinhgyangh Gahsiz Digih Yungzmeizdij Cunghsinh dangjveij vejyenz, fucujyin Majmajidizmingz、Vuzbuliz geizheih cam gunghcoz yinzyenz: “Mwngz ndei, gou siengi cam ‘gou maj mwngz’ aeu gij vah Ginghcuz baenzlawz gangj?” Boux gunghcoz yinzyenz riu aeu vah Ginghcuz naeuz, mwhneix, gyoengq gicej youq henz hix cungj hag hwnjdauj, dangciengz gij heiqfaenh vuenheij raixcaix.

“Bwzgangj Gulij Lizsij” Vwnzva Cunghsinh (“Gvangjsih 3 · 22 gunghcwngz”)、Hahdingz Ginghcuz Vanveij daengj dieg, cungj dwg gij dieg youqgaenj yinx vunz bae ngeixnaemj caeuq cienzswnj gij cingsaenz, ndaej gikfat gij cingsaenz gyaez guek caeuq gagsaenq vwnzva gyoengq vunzlai gak minzczu, couqmaenh gij eiqsik caezcaemh Cunghvaz Minzczu, dwg gij caidij mizyauq cau hlaeb aen cingsaenz ranzmabanj caemhmiz Cunghvaz Minzczu.

Mbanjsanhsinh youq baihdoengnamz Fangzcwngzgangj Si Gangjgouj Gih Gisah Cin, sam baih dep haij, dwg aen mbanj dwkbya ndeu, gungh miz 13 aen siucuj vunzmbanj, 624 ranz 2621 boux vunz, gij souhaeuj gyoengq vunzmbanj baengh youq henzhaij dajndaem、dwkbya ndaw haij, dajndaem dajciengx miz daegsaek guh cawj. Mbanjsanhsinh hix dwg aen mbanj minzczu ndeu, miz Bouxcuengh、Ginghcuz、Yauzczu、Mulaujcauz daengj siujsiq minzczu.

Geij bi neix daeuj, Mbanjsanhsinh aeu “canjnieb hwngvuengh、swnghdai habyouq、yanghfungh vwnzmingz、ceihleix mizyauq、ndwenngoenz fouq-miz” guh haedsim, roengzrengz doicaenh gensez yanghfungh vwnzmingz, veh baenz le fuk veh vuenyungz gvendaengz “canjnieb hwngvuengh、swnghdai gyaundeih、yanghfungh lauxsaed、ndaw-biengz an'onj、beksingq fouqmiz” ndeu.

Gizlinz Yenzbenh Yizbau Se Bauvu Cunghsinh cungjbenhban cujyin Yiz Li doq byaij doq yawj, gamjsouh gij gojgaeq moq gvendaengz gij canjnieb fazcanj、vwnzva caeuq lijyouz yungzhab Mbanjsanhsinh. Gofaex henz roen Mbanjsanhsinh mwn-cupcup, ranz gaijguh ranzdozninz aen doek aen hwnq hwnjdauj, vunzmbanj geij boux guhdoih naengh youq laj gofaex cwxcach yietliengz, gij

heiqfaenh huzndei hwngfat yienghneix dawzyinx raixcaix.

Gyanghbingz Cin liz Dunghhingh sigih cibhaj goengleix, aen cin neix baengh bya, dep haij, youq bien'gyaiq, gig miz vwnzva daegsaek. Daj Mingzciuz doxdaeuj, aen cin neix aenvih diegyouq daegbied, vwnzva caeuq ginghci cungj ndaej bingzonj fazcanj, menhmenh youq doengh dieg neix bienqbaenz aen cin geq “seiq baih doxdoeng” caemhcai miz itdingh lizsij diegvih, dwg aen goujan youqgaenj gij swhbwnj gozci youq guek raeuz baihnammz doxcomz caeuq gij gaicawx cingouj cuzgouj gozci gvaq, miz caenh ndeu ndaej haenh heuhguh “Yanghgangj iq”.

Byaij youq diuz Gaigaeuq Gyanghbingz, gij ranz song henz raizraurau、va'byoembyoem. Gizlinz Cauzsenvhwnz Bause Cenzmeizdij Cunghsinh cujyin Cuih Swnghuj doq ingtsiengq hwnjdauj. De naeuz: “Gaigaeuq yienznaeuz yawj daeuj gaeuqgad, mbouj ronghsien geijlai, hoeng mbouj cauz lumj ndawsingz, saedcej cwxcailh、soengyungz, hawj gou roxnyinh soengsadsad.” Gij ndwenngoenz soengse raixcaix, Gaigaeuq Gyanghbingz youq mwhneix cingq dwg giz dieg souyouz ndeu.

Geij bi neix daeuj, Fangzcwngzgangj Si hopndaet hwnghuh “it gih song dieg it suen it doengdauh” caeuq hwnqguh aen singz gunghyez gyawj sok yendaiva Fangzcwngzgangj Si, neix dwg swcigih an hawj. Aen si neix ciuq “dieg henzguck gyawj haij doengzcaez guh、caez yamq bae vaiq、song mbiengi hoenxguh” bae hwngfat canjnieb, saedguh aen gunghcwngz “2+1”, guh hung guh ak baenz rangh canjnieb gyawj sok caeuq henzguck, doinyoengx ginghci sevei hwngfat youh ndei youh vaiq, hawj vunzlai gak cuz caez gvaq ndwenngoenz ndei, caezyungh cwngzgoj hwngfat, caezcoi minzczu doxgiet.

“Cibgeij aen diemj raeuz caijfangj ndawde, Dunghhingh Gyaubzihgvanj hawj gou cei nanzlumz. Ndaw gvanj miz 140 lai gaiq vwnzvwz gyaubzih caeuq 20 lai yiengh doxgaiq iq. Neix geiqniemh caeuq gingqnaek le gij ndwenngoenz doenghbaez, raizok bouxvazgyauz bouxvazyinz dwg baenzlawz buekguh, engq sengdoengh yienh'ok gij cingsaenz gamj hairon、souj saenqyungh naek cingzgeih、doxbang doxcoengh、gyaez guek maj ranz.” Mwh caijfangj, Gvangjsih Laizbinh Si Yungzmeizdij Cunghsinh boux cungjbenhcez Veiz Veilanz yienghneix gangj.

Dunghhingh Gyaubzihgvanj youq laeng Dunghhingh Cin Gunghyenz Segih, gaxgonq aen de heuhguh Gvangjdungh Veigvanj, bi 2021 aeu ndaej aen mingzdaez Aen Dieggiek Son'gyauq Minzczu Doxgiet Baenaj Fangzcwngzgangj Si. Dunghhingh Si caemh maj youq neix son'gyauq gyaezguck cuji. Geij bi neix daeuj, hauilai bouxvazgyauz bouxvazyinz cungj daeuj neix ra ranzmabanj, caz goekrag, hekyouz eix daeuj dwk mbouj dingz mbouj duenh. Gij cingsaenz buekguh、cingzgeih gyaezguck majranz vunzlai gyauzyangh, ciengxlwenx gikcoi daihlaeng buekguh baenaj.

Dunghhingh Gyaubzihgvanj hawj raeuz rox daengz, mboujlwnh seizdaih baenzlawz bienq, aen siengjgap ranzmabanj doxbang doxcoengh、doxhuz caemhyouq ciengxlwenx dwg gij cingsaenz dijbau

caeuq gij goekgaen rengz baenaj. Cungj cingzgeih gyaezguck majranz neix caeuq vunzlai gyaepgouz ranzmabanj huzndei, dwg gij vwnzva Cunghvaz Minzczu iteig cienzswnj haenx.

2017 nienz 4 nyied, Siz Ginbingz cungjsuhgi cazyawj Gvangjsih seiz yinxok, henhoh swnghdai vanzging couh aeu hoh ndei doenghgo youh dij youh noix haenx, itdingh aeu aeueiq gohyoz, dawz ndei mbaqrap, henhoh ndei ndoengfaex hoengz.

Dieg Baujhoh Ndoengfaex Hoengz Sizgoz youq Fangzcwngzgangj Si Fangzcwngz Gih Gyanghsanh Cin Sizgoz Cunh, dwg bouhfaenh youqgaenj gapbaenz Bwzlunz Hozgouj Guekgya Gaep Swyenz Baujhoh Gih, gaenq liedhaeuj mingzloeg diegcumx youqgaenj gozci, dwg ndoengfaex hoengz seiqgyaiq daihsam、najdieg baenzbenq hamq luhaiej cei q hung guek raeuz. Mwh bae caijfangj gaxgonq, hauilai gicej gangj, ndoengfaex hoengz dwg giz caijfangj baenzneix gyoengqde gig maqmuengh.

Fangzcwngzgangj Si hoengheiq caetliengh ndei, laebdaeb lai bi dwg swcigih daih'it, neix dwg baengh baujhoh ndoengfaex hoengz ndaej ndei.

Geij bi neix daeuj, Fangzcwngzgangj Si genhcez ginghci hwngfat caeuq swnghdai baujhoh caemh guh, coi hawj vunz caeuq swhyienz huzndei caemhyouq, aen si neix cau hlaeb ndaej aen swcigih gaep swnghdai yen(si、gih) ndeu、10 aen swnghdai yanghcin、53 aen swnghdai mbanj, byaij youq daengx gih baihnaj.

10 hauh yangghaet, caijfangjdonz byaij haeuj Fangzcwngzgangj Gozci Yihyoz Hailangh Sawq-niemh Gih Gozci Yihyoz Cauhmoq Funwngz Cunghsinh, yawjyawj Fangzcwngzgangj Gozci Yihyoz Hailangh Sawqniemh Gih guh ndaej baenzlawz yiengh.

Swconh Ahba Couh Sinhvnz Cenzmeiz Cunghsinh dangjveij vejyenz, fucujyin Hoz Yaujvaz naeuz, Fangzcwngzgangj Si gingjsaek gyaundeih、dienheiq habvunz, habyouq habnieb, dwg Cungguck yangjduh、mbanj naihsouh, laebhwnj Gozci Yihyoz Hailangh Sawqniemh Gih, doiq Fangzcwngzgangj Si guh aen dieg ndei comz ywbingh、ciengxndang、gvaq ngoenzgyaj caemhmiz、cauhlaeb aen minghyinh caezcaemh vunz lajmbwn ndangcangq miz cozyung youqgaenj.

Geij bi neix daeuj, Fangzcwngzgangj Si laebmaenh laebhwnj aen leixniemh raemx saw bya heu couhdwg bya gim bya ngaenz, dazyinx gak cuz vunzlai caezsim caemh guenj haijvanh lamz, caemh hen Bwzlunz Hozgouj Ndoengfaex Hoengz, Sihvanh Hungzsah Gvaengx Haenzhaij Swnghdaiva Gensez senjhaeuj aen gozci anqlaeh demyauq boiqhab swnghdai bet daih haenzhaij daengx seiqgyaiq, swnggaep gaijcauh roenloeg swnghdai cienz haijgingj Sihvanh, hawj saekloeg swnghdai bienqbaenz diuzsai saekloeg gak cuz vunzlai doxgyau dox-yungz ndeu.



▲Baksok Fangzcwngzgangj hungloet raixcaix.



▲Gyoengq gicej youq Fangzcwngzgangj caijfangj.

